

「國家社會科學基金重大項目」

何建明

主編

中國地方志
佛道教文獻匯纂

人物卷

(82)

【國家社會科學基金重大項目（11&ZD119）】
中國人民大學佛教與宗教學理論研究所

何建明 主編

中國地方志
佛道教文獻匯纂

人物卷

（82）



國家圖書館出版社

中國地方志佛道教文獻匯纂·人物卷

山東省 濰坊市

益都縣圖志

清·張承燮修 法偉堂等纂

清光緒三十三年（一九〇七）刻本

益都縣人物志十八

志四十三

圖志卷四十六

藝術傳

語曰德成而上藝成而下蓋言藝之異於道也而藝之精者亦或可以見道邑鍾山川之秀醫卜星相頗有畸人若李成之畫法燕肅之巧思技也而進於道矣舊志仙釋別爲一門晉唐史例二氏附藝術體例較爲正大今從之

補

二氏附藝術傳晉唐舊史例也舊志別爲仙釋明以來方志類然不如史例之善矣茲仍合爲一篇而別次之於左

隋舊志周有涓子漢有鉤弋夫人並齊人非今縣所獨東漢有王和平北海人北海非今縣地晉有僧支蘭曇云青州人蘭曇見唐高僧傳無青州人之說今並不錄

僧世青州人道行聞齊魯間後入京住興善寺仁壽初召送

舍利於萊州宏藏寺四年又敕送於密州茂勝寺行達青州
道藏寺夜有赤光從房出直射東南是夜密州城南亦見光
明從西北來繞城內外朗徹如日及造石函忽變爲金如甗
如豆閃錯函底餘皆變爲青琉璃因具圖表聞帝大悅世還

京尋卒

舊志

僧法楷青州人十五入禪習涅槃通其義受具後專攻四分
住京師揚化寺仁壽置塔奉敕送舍利於曹州見佛半身白
面如玉夜有甘露降赤光見於城上須臾流照達於塔所屢
有花木樓臺變化著見楷具列聞帝大悅自仁壽創塔前後
百餘感徵最優無過於楷者

舊志

僧明舜青州人姓張氏少入禪宗周覽經典偏以智論著名

六十餘卷明通大旨大業二年卒於京寺

舊志

唐

李清北海人世傳染業少學道多延方士終無所遇求之愈篤開皇四年嘗入雲門山窟仙人授書一軸甫半日歸視其城郭人民屋室皆變無一相識者訪其子孫皆云嘗入南山不知所終時爲唐高宗永徽元年開所授書視之乃小兒醫方療之立愈齊魯間從而學道術者甚眾後入泰山莫知所終

舊志

集異記曰李清北海人也代傳染業清少學道多

意彌切家富於財素爲州里之豪毗子孫及內外姻族近百數家皆能游手射利於益都每清生日則爭先餽遺凡積百餘萬清性仁儉來則不拒納亦不散如此相因填累藏舍年六十九生日前一旬忽召姻族大陳酒食已而謂曰吾賴爾輩勤力無過吾能生吾是以吾獲娶婦然吾布衣蔬食逾三十年矣爾復有意於華侈哉爾輩以吾老長行每餽吾生日

藝術傳

五

衣裝玩具多亦至矣然吾自以久所得綴之一室曾未覓視
 徒損爾之結用資吾之夢土竟何爲哉幸天未錄吾魂氣行
 將又及吾之生辰吾固知爾輩又營續壽之禮吾所以先期
 而會蓋止爾之常態耳子孫皆曰續壽自遠有之非此將何
 以展卑下孝敬之心願無止絕俾姻故之不安也清曰苟爾
 輩志不可奪則從吾所欲而致之可乎皆曰願聞尊旨清曰
 各能遺吾洪纖麻縻百尺總而計之是吾獲數千百丈矣以
 此爲紹續吾壽豈不延長哉皆曰謹奉教然尊旨必有所以
 卑小敢問清笑謂曰終亦須令爾輩知之吾下界俗人妄意
 求道精神心力夙夜勤勞於今六十載矣而曾無影響吾年
 已老耄朽蠹殆盡自期筋骸不過二三年耳欲乘視聽步履
 之尙能將行早志爾輩幸無阻先是青州南十里有高山
 俯壓郡城峯頂中裂豁爲關崖州人家坐對嵐岫歸雲過
 鳥歷歷盡見按圖經云雲門山俗亦謂之劈山而清蓄意多
 時及是謂姻族曰雲門山神仙之窟宅也吾將往焉吾生日
 坐大竹簣以輓轡自縊而下以纖縻爲媒焉既不可前吾當
 急引其媒爾則出吾於冥冥深遠有所遇而能肆吾志亦當復
 來歸子孫姻族泣諫曰冥冥深遠不測紀極況山精木魅蛇
 虺怪物何類不儲忍以千金之身自投於斯豈久視永年之
 階乎清曰吾志也汝輩必阻則吾私行矣是不獲竹簣洪縻
 之安也眾知不可迺則共治其事及期而姻族鄉里凡千百
 人競齋酒饌運明大自於山椒清乃揮手辭謝而入焉良久

及地其中極暗仰視天才如手掌捫四壁止容兩席許東南
 有穴可俯僕而入乃棄簣遊焉初甚狹細前往則可伸碩如
 此約行三十里晃朗微明俄及洞口山川景象雲烟草樹宛
 非人世曠望久之惟東南十數里隱映若有居人焉因徐步
 詣之至則陡絕一臺基級極峻而南向可以登陟遂虔誠而
 上頗懷恐懼及至闕其堂宇甚嚴中有道士四五人清於是
 扣門俄有青童應門問焉答曰青州榮工李清童如詞以
 報清聞中堂曰李清伊來也乃令前清惶怖趨拜當軒一人
 遙語曰未宜來何即遽至因令徧拜諸賢其時日已午忽有
 白髮翁自門而入禮謁啟曰蓬萊霞霞明觀丁尊師新到眾聖
 令邀諸真登清上禮謁啟曰蓬萊霞霞明觀丁尊師新到眾聖
 出顧曰慎無開北扉清巡視院宇兼偕行謂清曰汝且居此臨
 自謂永棲真境因至堂北見北戶斜掩偶出顧望下為青州
 宛然在目離思歸心良久方已悔恨思返諸真則已還矣其
 中相謂曰令其勿犯北門竟爾自惑信知仙境不可妄至也
 因與瓶中酒一甌其色濃白既而謂曰汝可且歸清則叩頭
 求哀又云無路卻返眾謂清曰會當至此但時限未耳汝無
 苦無途但閉目足至地則到鄉也清當至已流涕辭行或相
 謂曰既遣其歸須令有以爲生清心恃豪富訝此語爲不知
 已一人顧清曰汝於堂內閣上取一軸書去清既得謂清曰
 脫歸無倚可以此書自給清遂閉目覺身如飛鳥但聞風水
 之聲相激須臾履地開目卽青州之南門其時纔申未城隍

所陷彷彿如舊至於屋室樹木人民服用已盡變改獨行盡
日更無一人相識者即詣故居朝來之大宅宏門改張新舊
曾無做像左側有業染者因投詣與之語其人稱姓李自云
我本北海富家因指前後閭閻此皆我祖先之故業曾聞先
祖於隋開皇四年生日自縊南山不知所得終因是家道淪破
清悵快久之乃換姓氏寓遊城邑因取所得書閱之則療小
兒諸疾方也其年青州小兒癘疫清之所醫無不立愈不旬
月財產復振時高宗永徽元年天下富庶而北海往往有知
清者因是齊魯人從而學道術者凡百千輩至五
年乃謝門徒云吾往泰山觀封禪自此莫知所往

僧保恭青州人本崔姓幼年入道晚而愈精自陳隋以來南

北無不欽仰年八十而卒葬長安東郊詔祕書監蕭德言撰

碑舊志

宋

劉野夫青州人有道術嘗約友人龔德莊曰今夕君家人必
出我往見君至晚德莊坐待不至俄火自門起德莊同家人

犯烈燄出四旁皆燼異日野夫來曰君家人幸出可賀也宋
政和間寓興國寺人計其壽已一百四十五歲矣舊志令
劉跛子青州人拄一杖每歲必一至塔中看花館范家園春
盡即還京師為人談諧有味范家子弟多以詩謝伯仲曰大
之即與之二十四金曰跛子與碗羹於是詩謝伯仲曰大
范過一時二十四又曰初張丞相召自荆湖跛子與客飲市橋客
中過馬過甚都起觀之跛子挽其衣使且飲作詩曰遷客湖
湘召赴京車驕迎迂一作何榮爭如與子市橋飲且免人問寵
辱驚陳瑩中甚愛之作長短句贈之其略曰橋飲木形骸浮雲
身世一年兩到京華又還乘興開花謝都不似我生涯云云
春歸後終委泥沙忘言處花開花謝都不似我生涯云云
政和改元見一斑我欲從公蓬島去爛雲堆裏見青山子姻家許
時復大見宜人蕭參政榮之孫女云我十許歲時見劉跛子
來覓酒喫笑語終日而去計其壽百四十五許嘗館於京
師新門張葵店三十年日座相國寺東廊邸中人無有識之
者又曰劉野夫留南京久未入都淵材以書督之野夫答之
書曰跛子一生別無路展手叫化三飢兩飽回視雲漢聊以
自諷元神新來被劉法師徐神翁形迹得不咸模稜深欲上

京相璠又恐撞著文人垢沱佛墓地被乾拳踴踢著甚來山
其不羈如此嘗自作長短句曰跛子年年形容何似儼然一
部髭鬚醉世上詩人拐上有工夫達南州北縣逢著處酒滿壺
盧醺醺醉不知來日何處度朝脯洛陽花看了歸來帝里一
事全無若還與瓢羹不託依舊門外有箇好西湖過庭錄曰
船上蘆席橫鋪呵笑睢陽門外有箇好西湖過庭錄曰
洛陽朱敦復字無悔並弟希真以才豪稱有學老子者曰劉
跛子頗有異行時至洛看花一日告人曰吾某日當死至期
果然與之善者遂葬於故長壽宮南託無悔銘其墓云跛子
劉姓河東鄉山老其名野夫字豐將大腹右扶拐不知年壽
及平生五侯七貴有敬問怒罵掣走或僵死洛陽十年為花
至政和辛卯以酒終南宮道旁冢三尺無孔鐵鎚今已矣劉
公有一僕曰尙志隨劉四十年尙志告曰畜生呼之及劉死人
恐其有所得士大夫競叩之尙志告曰何所得但與畜生四
十年矣無悔因作一詞曰尙志服事跛神仙辛勤了萬千般
一朝身死入黃泉至誠地哭皇天旁人苦苦叩元言不免得
告諸賢禁竭法兒不
曾傳與畜生四十年

元

辨和尚嘗創普照寺世稱青州辨和尚禪教盛行北方二百

餘年燕秦齊晉之間入是宗者皆其後學有青州百問一卷

皆與覺和尚及林泉老人問答頌偈也

舊志

明

僧道成順天人有戒行能屬文嘗寓萊州大澤山智藏寺洪

武初來青州十五年召至京師太祖咨以世務授青州府僧

綱寺都綱

舊府志

金嶺鎮國融寺論祭道成文碑曰惟宣

命爲諸僧領袖祇事祖宗多歷年歲朕念爾老令回南京道

遙自在以終天年遠聞化逝良用悼歎

張三丰

明史本傳曰遼東懿州人名全一名君寶三丰其

黃平

永樂間隱於雲門山之陽修煉洞中後莫知所終今有

張仙洞嘗在日照縣傳噫吐張翔家傭工同眾耘植其所植

苗無草且茂一日種菜縣中乏種使至諸城買之屬曰路遙可宿於桃林某友家張卽日回主訝其速曰汝尙未去耶曰已買得矣主不信詰之再三時有鄰姬語人曰適見老張騎鶴從半空而下不知其爲鶴也後訪其友家果一飯始信其爲仙矣自是辭去臨行指荆曰此子令讀書必中高第後果如其言

舊志新府志曰案明史三丰本傳無隱於雲門山之文然舊志言之鑿鑿似非無據姑錄之以俟博識

呂德和住城內祿氏廟所建三清武安藥王三義諸廟皆極壯麗募緣不過數十金而所費殆數千金人莫知所從出或以爲有黃白術有軍官叩之不語假以索盜猝率眾入其室發牀薦筐篋至掘地數尺俱無得已而修建如故竟不知其

何術

舊府志

僧宗興住心寺商河王深悟內典捐祿建寺請爲寺主值佛誕日沐浴更衣辭眾坐化又雲兜者亦住心寺戒律精嚴商河王甚敬禮之一日辭謝至晚合掌坐化茶毘之日香雲散

空

舊府志

雪蓑不知何許人無姓名浪游東土居青州者數年善作大字詩亦豪放人以其言貌似吳人問之曰汝吳人耶曰是蘇州人耶曰是舉動謫怪好談元理嗜酒飲無算人爲娶婦納之而不與交與之錢物衣履遇貧者卽與之醉輒箕踞嘲罵王公或取困辱亦不爲意作方丈大書濃澹數斛信手飛灑倏忽而成矯健有勢今雲門山石壁上多其遺蹟能彈一弦琴後去不知所終

舊府志

本朝

僧道忞廣東人法號木陳派衍臨濟正宗堅持戒律初青州有僧慧田者字達法縣西鄙農家李氏子也薙髮玉田菴厭其穢遂棄去走浙江之天童山聞法於密雲和尚數年歸以齊魯閒禪宗久歇乃於城西北隅建大覺院既成與掖縣故相國張忻輩請道忞來開堂說法順治十六年奉

詔入京奏對稱

旨

賜大覺院名爲法慶寺

賜道忞紫衣加號宏覺禪師

以舊志修陳忞公願治末應

居易錄曰

金粟木

賜號宏覺國師南還至淮上從者如雲嘗一至金陵弟子俱張輿數百里

僧本昇字天岸姓陳氏金壇人道忞嗣法弟子也初事道忞

於天童後隨之至法慶寺及道忞南還本昇遂留順治十六

年又隨道忞應

詔北上奏對稱

旨

賜紫命開堂青州

李煥章撰塔銘曰

上謁宏覺開法弟子

賜坐奏對稱

旨甚洽聖懷一日

上遂諭李國杜引見免禮

一轉咨師下語

師云不風流處也風流

上問尤伺臨去秋波那

病

上親書敬字

發帑金五百助建山門諸城陳家鉅者性

好釋典天竺支那所撰述涉覽殆徧詣本昇求法本昇曰臨

濟云原來佛法無多居士去語言文字障大道不遠矣家鉅

病命其家人送接引佛至曰家鉅將沒求師著語本昇曰馳

金部系圖

卷四十六

藝術傳

十